

政書

第七輯



集成

陳生璽輯

中州古籍出版社

陳生璽
輯

政書集成

費孝通



第七輯

中州古籍出版社

御製資政要覽序

朕惟帝王為政賢哲修身莫不本於德而
成於學如大匠以規矩而取方圓樂師以
六律而正五音凡古人嘉言善行載於典
籍者皆修己治人之方可施於今者也朕
孜孜圖治學於古訓覽四書五經通鑑等

編得其梗概推之十三經二十一史及諸
子之不悖於聖經者莫不根極理道成一
家言但卷帙浩繁若以之教人恐未能一
時盡解其義亦未能一時盡得其書因思
夫記事宜提其要纂言當鉤其元乃採集
諸書中之關於政事者為三十篇又慮其

渙而無統於是每篇貫以大義聯以文詞
於忠臣孝子賢人廉吏略舉事迹其奸貪
不肖悖亂者亦載其內使法戒炯然加之
訓詁詳其證據譬之萃衆白以為裘範六
金而成鼎旨約而易明文簡而易閱名曰
資政要覽觀是書者熟思而體之可以為

篤行之善人推類而廣之可以為博雅之
君子毋徒求之語言文字之間則朕諄諄
教喻之心庶乎其不虛矣

順治十二年正月吉日序

御製資政要覽卷之一

君道章第一

得道者必靜靜而寧可以爲天下貞故至精無象而萬物以成至聖無事而千官盡能苟有事則必有所不事此事所以曠也譬之爲車者數官然後成夫治天下豈特爲車哉衆智衆能之所持也蒼頡作書后稷作稼伶倫作律昆吾作陶皆臣作而君任之以竟其用夫何爲哉道帝王平治天下之要道也靜謂心不妄動寧謂所處而安貞正而固也至精天地生物之理也數官衆材也蒼頡生而知書倣鳥跡以造文字后稷堯臣能植百穀蔬菜伶倫黃帝臣取竹於嶰谷制十二筩以別十

二律昆吾顓頊之後爲夏伯作陶治埏埴爲器凡得治天下之要道者其心必靜靜則安而不擾然後可以宰萬物制羣動而爲天下建標作則自中正而堅固矣故天地極萬物之成而宥然無象至聖盡千官之能而澹然無事非眞無事也天下之事皆其事苟偏於一事則一人之耳目心思有限所遺者必多欲以集事而事反墮矣譬之爲車者必聚衆材而後成況天下至大治天下之難必以天下之智爲智而後慮罔不周必以天下之能爲能而後力罔不竭此古帝王所以創制立法爲萬世準繩者皆作之自臣任之自君竟衆智衆能之用而恭已其使民也若御良馬善御馬者輕任新節不究其力故致千里善用民者民日所用而不可得苟得爲上用其赴之也若決積水於千仞之谿孰能當之

新節其

馬之轡銜也八尺曰仞千仞高山之谷也人君之愛民如御者之愛良馬善御者欲得良馬之用必輕其載負

新其轡銜養其有餘之力故能一日而致千里君不忍
盡民之財不忍盡民之力則民思効用而君卒不輕用
故一旦有事而爲上之用自爾踴躍爭先若然聖人之
決積水於高山而下深谿沛然莫之能禦也然聖人之
養民非爲用也性不能已猶慈父之愛子非爲報也不
可內解於心故仁義以治之惠愛以安之忠信以導之
務除其災致其利不尙於威而威已有託否則令苛不
聽禁多不行動之而彌擾矣故漢武之多欲不若文帝
之無爲書曰惟厥攸居政事惟醇此又詳言愛民之實
書商書說命中篇居
居心也醇不雜也上言民皆樂爲上用然聖人非欲其
爲我用而後養之也猶慈父愛子豈盡望報於子乃天
性浹洽自不可解故治之以仁義而不傷其生不蕩其
性安之以惠愛而有欲必聚有痛必恤導之以忠信而

心無不盡言無不實除其病民之災致其樂生之利是全不尙刑威而所以懾民之心志者已在本日所養之中故不威自畏不然則禁令雖嚴徒滋扞格動之爾擾其何以爲天下貞乎漢武帝好大喜功紛然多事而海內虛耗視文帝之恭儉仁恕清淨不擾而漢治稱隆者相去遠矣旨哉傳說之告高宗曰政事惟醇而本之惟厥攸居明乎君道之貴靜也

臣道章第二

士不可辱則大大則尊於富貴故利不足以虞其意名
不足以挺其心斯人也有勢則必不自私處官則必不
爲汙將衆則必不撓北苟便於主利於國則必危身出
生以徇之若此乃可謂國有臣矣士之所以立身行已者禮義廉恥故士不
可辱不可辱則大節不虧大事可託雖富貴無以踰其
尊矣故其意淡泊無營利不足以惑之其心卓然有主
名不足以動之及一旦乘時藉勢必不苟便私圖泄政
治民必不玷汙素行統師馭衆必不逗撓喪敗凡有益
於君國者必忘其身家以求有濟如三王之佐伯益伊
是乃不虛其職而可謂之國有臣也

呂之倫其名榮其實安皆公忠以翼其主後之臣不然

患其身之不貴於國也而不患其君之不顯於天下患其家之不富也而不患其民之不安既辱且危名實喪

矣李斯張禹盧杞蔡京阿合馬之流遺穢萬世嗚呼戒

之哉自昔伯益伊呂之事其主皆公而不私忠而弗欺

有不然者上不願致君為明聖之君下不欲使民為樂

利之民而止患其身之不貴家之不富所以圖富貴者

無所不至不知既已負君又復剝民即富貴可保聲名

已敗況禍患隨之豈不名實俱喪乎如李斯之貪權逢

惡張禹之奢淫阿諛盧杞之險賊陰毒蔡京之作威亂

法阿合馬之專悞網利載之史策令人切齒可不深以

耶凡為臣者服能然後任省心然後受入則上其謀

出則行其政大臣正身以率屬庶僚潔已以守官建旌

者澄吏以宣民分猷者奉法而宣化將帥嚴其紀律守
令殫其循良文武協和士民豫附密勿之臣明謨諧弼
以襄一人庶幾乎無忝於臣職矣百爾有官可不勉與
詩曰靖共爾位正直是與大臣部院卿寺之臣也庶僚臺諫曹郎之官也建旄謂督撫也分猷謂司道也將帥統兵之官也守令知府知州知縣也密勿之臣謂侍從大臣也詩小雅小明之四章也觀於古之人臣可法可戒如此則凡爲臣者事不易任必自量其能集此事而後任之官不易受必自省其克稱此官而後受之入則以嘉謀嘉猷告之君出則以良法美意施之民大臣則務公正以率其屬庶僚則務廉潔以守其官建旄者必思所以澄清吏治久安民生分猷者必思所以振飭法紀宣揚教化將帥之紀律嚴則兵習民安而戰守咸宜守令之循良著則賦薄刑清而教養攸賴文武同心以綏戢其士民士民必感激而

欣附至於侍從大臣最爲切近必陳善以明其謨和衷
以諧其弼乃克輔君德而贊國政內外大小諸臣皆能
如此盡職庶幾無愧於臣道矣爲人臣者可不勉諸故
引小明之詩謂居職位者當安靜恭敬惟正直之人是
助以見人臣不可
有圖富貴之念也

父道章第三

父子之愛天性也必教以成之上教子斯德可施於民

下教子斯忠可效於君其爲愛也至矣

天下無不愛子之父蓋天性自

然然必有以教之而期於成乃爲真愛帝王之子他日或統治天下或分治其國皆有社稷民人之任必早諭教使知所以修己安人方能施德於民公卿大夫士庶人之子亦必素習教訓使知所以移孝作忠方能效忠於君如是以爲故有國者之教子也始生而舉以禮小士之吉者宿齊朝服而負之自爲赤子而教已行矣周成王在襁抱之中召公爲保周公爲傅太公爲師左右前後莫非正直故其恭敬而溫文若性成然是以德施

於民而國祚永也

周成王名誦武王之子也保太保傅太傅師太師也左右前後少師少傅

少保及諸侍從之官也古者國君生子始生之日即接以太牢之禮三日擇官之善者先期齋戒服朝服于寢門外抱之以桑弧蓬矢射四方是當赤子時已教之以成人之禮矣成王幼時有召公奭爲太保以安其身體周公旦爲太傅以輔之德義太公望爲太師以導之教訓又有三少及諸侍從之官皆正直之人夾持而衛翼之故其德之成也內懷恭敬之心外著溫文之度與性生自然者無異是以成王爲君純以德教化民刑措不用而享國之長久惟周爲最也有家者之教子也幼學退讓長悖孝弟遜友視志方物發慮四民之子不易其業皆可以保世而效忠於君如韋賢楊震劉殷孫盛之爲父至今稱焉

詩曰教誨爾子式穀似之

四民士農工商也韋賢鄒人漢宣帝時丞相也楊震華陰

人漢安帝時太尉也劉殷孫盛皆晉時人詩小雅小宛之篇凡有家而能教子者幼則教以退讓之道出入門戶及卽席飲食必後長者長則教以惇行孝弟事親事長必篤盡其誠至于交友則教之遜順以觀其志意之所尙處事則教之度量事理務求確當而後發于念慮故四民之子咸不易其父之業少而習焉長而安焉不見異物而還焉則可以長保家世而各效其力以忠于朝廷如韋賢以一經教四子楊震以清白貽子孫劉殷七子受五經史記漢書七業俱成孫盛性方嚴雖子孫班白訓之愈峻此皆能教子以善而盡其爲父之道者詩所以云不惟獨善其身又當教其子使爲善也故父之愛子必教以義方弗

納於邪驕奢矜誇所自邪也之愛而僻莫知所裁其不惡終者鮮矣縱州吁之好兵任博望之通客教之不端貽譏於後世可爲炯鑒若夫樂羊易牙之徒滅絕天性